


Роҳманнинг яратганида ҳеч тафовут кўрмассан



11:00 / 12.02.2019 4739

Аллоҳ таоло Мулк сурасида шундай марҳамат қилади:

هَلْ أَبْصَرَ فَارِجٌ تَفَوُتٍ مِنَ الرَّحْمَنِ خَلِقٌ فِي تَرَى مَا طَبَاقًا سَمَوَاتٍ سَبَعَ خَلَقَ الَّذِي

فُطُورٍ مِنْ تَرَى ۝

«У етти осмонни табақама-табақа яратган Зотдир. Роҳманнинг яратганида ҳеч тафовут кўрмассан. Қайта назар сол! Бирор камчилик кўряпсанми?» (З-оят).

Аллоҳ таоло зикр қилган етти осмоннинг ҳақиқатини бу ёлғончи дунё илми ҳалигача кашф қилганича йўқ. Ушбу мўъжиза ўз навбатида, қудрати чексиз Аллоҳ таолога иймон келтиришга даъват этади. Бу ҳақиқатни тезда тушуниб етмоқ лозим.

Аллоҳ таоло яратган нарсаларда тафовут, камчилик йўқлиги тўғрисидаги ояти кариманинг ўзиёқ Аллоҳ таолонинг барча нарсага қодир эканининг далолатидир. Ҳамма соҳадаги олимлар - заррадан ҳам кичик нарсаларни ўрганганлари ҳам, чексиз осмон ва ундаги жисмларни ўрганадиганлари ҳам дунёдаги барча нарсалар кучли ва қудратли бир қонунга бўйсунишини, уларда ҳеч бир камчилик йўқлигини таъкидлашган. Назарда тутилган бу қонун қудратли Роҳман назоратидадир.